

























王文恪公集卷之五

震澤王鏊濟之著

吳興朱國楨文寧訂

雲間董其昌玄宰閱

詩

過故狀元施宗銘墳

浚生何敢望餘芬斗酒還過董相墳行楠岡巒低偃

月公葬偃坐疑文彩上成雲兩山已雪將軍恥郡誌舊傳

居東西洞遮皆將軍始四海猶傳制策文賈誼天年人



莫恨孔光張禹亦徒云

山行三首

天平

濯纓重向白雲泉曲磴  
臨林詰屈穿駁落殘碑猶可  
讀坡陀巨石自堪眠俯臨塵世三千界仰見龍門尺  
五天此地頻來殊有意肯教憂樂負前賢

靈巖翫月

浮雲過盡碧天高把酒層峯氣倍豪  
明月一年當此夜曠懷千古屬吾曹  
瓊樓玉宇身親到香迳琴臺



獨搔天柱峰頭那似此淋漓醉墨沈宮袍

靈巖懷古

夫差霸業今何在香徑琴臺鹿自游天際青山還故國  
疲溪明月有荒邱濤聲不盡英雄恨草色猶含粉黛羞  
莫為吳宮多悵望今來古往總悠悠

秉之作且適園有詩和之

萬頃煙波蒼玉峙畫船搖曳夜仍宜白公遊處吾今  
住惜也坡翁不到斯

新築茆堂扁遠喧席門猶得枉高軒誰知君實宦時



榮盡在東都五畝園

迴洲枉渚間沙汀正是東山一帶青鬱鬱松楸長在  
目好於此地着幽亭

雨前山寺移新竹雨後新梢透屋長却憶燕南兩麓  
篠便名醫俗可能當

越鳥巢林去向南霜餘況有洞庭柑求田問舍君休  
嘆名利從來頗不貪

西舍東隣送橘栽小園五畝手新開昔人獨樂吾同  
樂兄弟招要日往回



新柳踈篁繞我廬門前清浸映芙蓉人間萬慮俱消  
盡不盡除非是讀書

麥壠瓜畦桑棗墟晚菰早韭翦春餘人言市遠無兼  
味城裏時新恐不如

村鼓鼕鼕喚買魚拌飡雖有惜難儲何當也鑿方塘  
樣取辦賓筵不願餘

曾聞范老堂前柏千載吳中澤尚存我種庭槐高百  
尺三公當必付諸孫

修書館秋晚白蓮一朵開



埋盆若個便為池。玉蘂亭亭有一枝。不以格高知者少。幸因開晚謝還遲。庭前曉日自相媚。江上秋風空爾為。我欲舉杯同此賞。天高露下月明時。

吳文定公挽詞

四海文章伯。三朝侍從臣。世方遲至理。天遽奪斯人。沖漠高難問。煩冤臆少伸。道從元末敝。文向國初純。東里淵源近。天全授受真。正音驚鸞鷟。恢網漏騏驎。象蹟名逾起。先登氣益振。聲華當翰苑。德義重儒紳。格律唯冲澹。言詞自雅馴。時流皆自邳。古制



或先秦書法顏公通詩篇杜老隣  
綸音騰渙汗

碑板照嶙峋講向東朝切規從  
後殿諄從容

天不聽仁義日前陳內外同瞻嶽  
賢愚但飲醇汪洋

從撓濁堅白謝緇磷自不驚榮辱  
何緣睹喜嗔吳山

從此重燕谷鎮常春在古無蘓子  
於今有伯淳閒情

多落寞要路每逡巡見說羊頻引  
俄嗟歲在辰九

重恩絕等八座望殊倫尚未翦公  
議寧須秉國鈞

公身今可贖我分昔尤親先浚官  
曹接卑高契誼勻

上陵行並馬待漏坐聯茵倡和辭  
盈帙招邀醉洽



旬看花常入夜翫月或侵晨送我清風埭期公震澤  
濱疏開心歌苦書至澤猶新豈謂終天別空含兩地  
辛王亭盟已散板屋跡俱塵盛德難為繪高風不可  
泯儒林誰作傳誰刻壠頭珉

游虎邱二首

年來偏不緣何事咫尺谿山到未能郭外清游還送  
客林間軟語忽逢僧空庭石在頭寧點溪壑龍凶氣  
尚騰不必懸厓留姓字古苔埋沒幾人曾

出城便愛小崐崘濯足還來碧澗阿飛磴未躋先瘞



煉斷碑欲認更摩挲溪山有待登臨久今古無窮感  
慨步我比樂天官更適十年一到意如何

送唐子畏之九仙山祁夢

人生出處天難問聞有靈山試扣之三月裹糧真不  
易一生如夢復何疑天台鴈蕩歸時路秋月春風別  
後思我亦有疑煩致問蒼生帖息定何時

歌風臺

鑿輿翠蓋始東巡隆準依然泗上身父老已非豐沛  
舊塵埃誰識帝王真八千子弟空歌楚百二山河竟



去秦莫道四方須猛士  
南山閒殺采芝人

海塘謠

為充道父時父為温州  
常築塘捍海其民賴之

田于何所  
靳公之塘  
公今何在  
我田我耕  
昔公未來  
潮嚙我堤  
浩浩洪流  
浸我稻畦  
公之來兮  
志何壯稽  
天之浸身  
以障捷以  
木填以壤  
隱然長虹  
橫海上潮  
安流田有  
秋溫人飽  
飯卧且牧  
靳公胡不  
留稽  
山摧潮水  
歇靳公之  
名乃可滅

燕巢歎

為充道母  
夫人賦

燕燕兮于飛  
溪溪兮重闌  
朝捲簾兮放  
燕出暮捲簾



今待燕歸朝朝暮暮兮燕無我違胡然兮一旦燕驚  
飛而不下悵巢是而人非萬里兮烏衣去此兮疇依  
豈無連雲畫棟兮誠不忍其故棲松楸鬱鬱兮京口  
之壙逝將嘶泥兮相孝子而營塚

五月七日陪祀

泰陵二首

星樓月殿夜沉沉燭影爐烟儼若臨北極紫微尊自  
在西清黃繖夢難尋蒼梧天遠孤臣淚玉帛星馳萬  
國心

是日天下王  
府俱來祭

十九年中游幸絕仰思王度式

如金



萬方爭覩勵精辰  
便殿從容召對頻  
憑几似聞宣末命  
屬車無復望清塵  
志存二帝三王上  
恨掩青山碧澗濱  
天地有形誰畫得  
空然二紀厠朝紳

入閣次仲山見寄之韻

雲牕霧閣隱樓臺  
夢裡依稀似到來  
異數極知蒙帝力  
凡軀深訝住天台  
承明召數晨先入  
閭闔歸遲晚時開  
正是商家調燮地  
鹽梅猷媿傅巖材

恩賜玉帶麒麟服

寶月團圓高琢成  
老臣何德比瓊英  
璫驚夜室流虹



影行眩天街積雪明  
為藥獻圖曾有飛藟  
蒔倚坐若為榮  
皇恩錫處如山重  
肯換秦家十五城

錦袍錯落繡輪囷  
天上恩光借近臣  
一角獲憐西時陋  
九章製愛尚方新  
文明有象昭  
皇化報稱無  
能媿病身拜  
賜歸來人盡羨  
好將勲業畫麒麟

十一月廿七日被  
詔有事  
景陵歸途作

嚴程西指日邊霞  
平野蒼茫集晚鷗  
湖色破寒猶慘澹  
山容得雪若矜誇  
誰當游衍還承  
詔可惜風光  
不近家坐啜玉泉  
懷六一漫將名品  
許浮槎



玉泉亭

燕山自西來連峰劃中絕有泉出其間終古流不歇  
石縫漱潺湲螭頭瀉幽咽羅注粲成簾激射噴為雪  
怒聲亦砰錡靜性終昭晰肺腑藉洗滌毛髮歸瑩澈  
珠體碎復圓玉流方以折緬懷六龍來坐覺萬象  
別天光借澄明日影增蕩漾幡幢亂山排貔貅遍林  
樾誰知百年後尚睹孤亭艤悠悠彼漁竿盈盈者仙  
緹不忍向唾涕胡能斯厲揭虎跑真浪傳釣突羞可  
啜醉劉伶醒病失相如渴衛公迹莫通陸子評又



缺何當携一罌歸洗人間熱

巳巳正月十三日夜分獻 星辰二壇作

鐘聲忽斷燎煙升 玉履西來甲士層  
薦地靈風生 綵旆滿天涼月浸  
華燈疲闌仙樂聞三奏老岳崇階  
試再登願得繁禧均海寓老臣何以助靈承

十四日 慶成宴上作

列席分依 黼座前坐中幾度聽傳宣  
花枝半妥杯 巡洽雉羽低廻舞隊旋  
總為台司當近地每疑唐樂 奏鈞天  
好風晴日新正後盛事誰書巳巳年



次謝少傅韻

七里灘頭把釣綸  
當時誰是舊元臣  
廟廊正爾懷多  
故世事那堪又一新  
國手就閒仍此際  
拙工當局更  
何人片帆出沒煙波裏  
回羨仙舟早渡津

春波書屋為屠司寇賦

平湖渺渺春波綠  
榆柳低垂洲渚幽  
洲旁茅屋是誰  
家言是屠公舊書屋  
屠公致身廊廟裏  
猶有讀書心  
采巴牙籤縹軸置兩頭  
充棟多還比鄴侯  
湖水平  
日晴船頭置書蓬底讀  
一和滄浪曲



題畫牛

背蒲韉穩若舟吾伊聲裏觸前騶當時項羽成何  
能使郎君讀未休

李密

月卧斜湯亂短芻箭鋒猶帶血模糊家人不用驚相  
報且讀牀頭一卷書

牛弘

問喘軒車駐道周不因羣鬪少遲留若言變理成虛  
語試問齊王敵棘牛

丙吉

輓牛解去旋來歸慙負當軒罪莫遠楚國有弓誰得  
失驪黃寧辨是耶非

劉寬



題五同會詩後

閒情未逐雲歸岫佳會初逢日在奎但許兼謨居席  
末還如無已在江西鄉邦自昔誰同會人事從來苦  
不齊南北故交風雨散我來詩句若為題

宣廟畫猫歌

禁柳踈踈還密密狸奴穩卧堦前日日長睡起鳴一  
聲掉尾欲行還不行  
先皇為愛馴且異呼之即  
來麾即逝偶然點綴為寫生氍毹毛衣獅子形絳羅  
垂垂鈴索索目光耽耽透簾箔縱然未解起捕鼠鼠



半見之應膽落

己巳五月東歸三首

莫把功名更問天一朝闕下賦歸田迂疎自缺  
時策衰病多蒙主上憐便製荷衣隨野叟永將雲  
路讓時賢太湖波浪如天闊不礙鴟夷一釣船  
家住東山歸去來十年波浪與塵埃頭顱今日已如  
許勲業古人安在哉滄海巨帆晴望濟長途疲馬早  
思回閒非閒是俱拋却濯足滄浪坐釣臺  
浮世紛紛總未真古今誰者是閒人黃扉紫閣辭



三事白石清泉作四隣得失往時俱屬夢是非從此  
不關身致君堯舜臯夔在且許巢由作外臣

贈巡河王郎中溱

五月青齊燠若焦全憑風力送歸橈十年省署官曹  
舊千里山河節制遙顧我病宜還綠野似君才合佐  
清朝九重旦夕如徵召乞取商霖灑四郊

時山東旱甚

得雨贈王郎中

天末炎雲涌怒濤疲窓欹枕聽蕭騷懽騰兩岸聞邪  
許潤洽平原卧桔槔酷烈頓祛苛吏勢推移真費長



年勞陽春有脚隨車到餘惠深慙過客叨

至徐州口占四絕

日日地舟茫蒼間荒郊四顧但榛菅朝來雨歇遂窻  
外正見徐州一帶山

人說燕行恰似游棹歌聲裏下徐州朝來獨坐蓬窓  
底兩岸青山送去舟

五月舟行齊魯間黃塵能富水能慳朝行卞泗交流  
處巨浸家家過屋山

放歌曾是昔年游濯足看山坐浪頭今日重來人不



見滿天風雨過徐州

偶成

懶雲無意渡為霖  
早向中天結冥陰  
去晝尚餘三宿  
戀濟時真負百年心  
孫登不作蘓門嘯  
諸葛聊為梁甫吟  
若問先生何處住  
湖光縹緲樹深深

次韻秉之

三十休誇陸氏莊  
菜園滋味晚尤長  
致君素許孤忠  
赤涉世空餘兩鬢蒼  
懶性尚於登覽健  
晏眠無漫起  
朝忙焚香日日觀  
心坐便是人間不老方



晚渡白洋灣

舟深夜尚孤征兀坐蓬窓看月明兩岸秋蟲互相  
應不知端復為誰鳴

宿堯峯寺

堯峰自在諸天上半醉來登不用扶思入湖天同浩  
蕩望窮雲樹轉模糊五更客夢侵雲冷一片禪心對  
月孤自是世緣猶未了幾時同此結跏趺

行次相城有感

幾年約茲游為訪石田叟石田今已亡不使此言負



相和三四人擎舟過湖口行行抵相城自卯將及酉  
四顧何茫然天水合為藪茅屋幾人家荒蒲與衰柳  
本來魚鼈宮自合鷗鷺有始田者為誰餒也非自取  
有司事征求以者逾八九念此為徬徨獨立延佇久  
作詩當風謠以告民父母

宿華嚴寺

歸來每向招提宿心若閒雲着處安已到家山無去  
住偶聞塵世有悲懽烟霞自古通禪觀草木還應識  
宰官少小來游今白髮幾迴歆去更槃桓



贈勤上人

兜率宮中一老禪  
霜眉過眼耳垂肩  
手開生地為精舍  
口誦華嚴作涌泉  
峭壁危峰同戒行  
長松古檜是因緣  
雖然看盡人間世  
還住人間一百年

次韻蔡九達投贈

埜色巖霏上翠裾  
皇恩猶賁及郊墟  
舊嫌樊子學為圃  
近識莊生樂在魚  
稍向林間營別墅  
每從竹外度輕車  
日長庭院閒無事  
妙得東家種樹書

再遊林屋洞



蓬山有路那能到  
林屋無扃可數來  
寶笈石函難渡  
見金庭玉柱為誰開  
祇愁黯黯渾無地  
又恐砢砢忽有雷  
不是隔凡凡自隔  
重門欲叩更徘徊

宿法華寺

法華我曾來  
懸厓縱飛步  
長松高挽天  
修竹亂無數  
北岡瞰空闊  
風帆在其下  
陰橫結千山  
歷歷皆可覩  
蓬來亦咫尺  
神仙在何處  
安得乘長風  
飄然從此渡  
生法華寺後石上望橫山人家歷歷可數寄王

元德



午烟孤起碧山崖  
屋瓦參差影日斜  
只隔盈盈衣帶水  
不知何處是君家

訪元德

樓臺疊疊路重重  
家住橫山第幾峰  
半壑夕陽垂橘柚  
五湖烟水浸芙蓉  
神仙未覺三山遠  
榮貴甘辭萬戶封  
返棹匆匆重回首  
白雲天際杳難從

寄隱者

隱君家居何所有  
繞屋二百青琅玕  
香烟一炷坐清曉  
讀罷黃庭祇內觀



越來溪懷古

吳國江山亦壯哉一朝誰信粵兵來  
旌旗尚動春波影歌舞翻成子夜哀  
往事悠悠餘敗壘傷心脉脉一登臺  
姑蘓麋鹿何須恨聞道阿房也劫灰

宿盧氏芝秀堂留別師邵師陳二首

越來溪上思悠悠斜日門前一繫舟  
水若有情隨我去山雖無語為君留  
梅花紅褪牆頭雪麥葉青回壠上秋  
一曲滄浪人去遠平湖萬頃接天流

清溪一曲浸山根溪上人家兩兩分  
久要正逢徐孺



予同聲兼枉沈休文

時徐都憲沈方伯在坐

興非刻上嗟空送

談比廬山得未聞醉卧不知乘疲發畫船搖破一川雲

過黃野沈氏阻風望洞庭甚近而不能至

茅堂宛在碧山腰山下行人不受招梁作虹蜺應可渡水如衣帶却成遙清風入夜生蘋末細雨扶春上柳條不是休文能醉我平生磊砢仗誰澆

酒熟志喜

常年送酒媿諸隣斗覺今年富十分水法特教澹柳



毅

特汲研

材先已謝桐君

用藥

床頭夜滴晴階雨

麤面香浮暖閣雲莫笑陶公巾自漉年來正策醉鄉

勳

荆溪雜興

惠山至永定

解纜惠山下問道荆溪程荆溪百里遙蘭漿蕩空明

湖好青山完轉送我行惠山甫見辭陽山復來迎

夾畫船依依亦多情忽然互廻合隱若百雉城

豁中斷太湖渺然平范蠡辭越相此口云所經



懷賢不可見臨流濯長纓

畫船簫鼓蕩春晴一路青山送我行分付舟人行莫  
急看山猶自未分明

沈亞卿時暘約游張公洞途中風雨大作舟  
人云不如先往善權為便口占一詩寄亞卿  
孤村徹夜雨浪浪思入荆溪轉渺茫湖波無緣仍返  
棹善權有路且鳴榔特因赴約翻成爽豈謂尋閒竟  
得忙寄語休文莫相訝好風晴日會須償

卷畫溪



兩岸青山隨畫船清溪十里中  
泗汾侍郎橋畔柳翠  
地任昉臺邊花滿川南國勝境有如此東坡卜居豈  
徒然誰云畫畫不得恐有仙源莫浪傳

張公洞

萬山環合中巖虛世傳內有神明墟側身俯視驚怪  
吁老眼不辨雲縹緲巖漸下勢漸舒石壇坡陀席  
可鋪恍如身入佛老廬四壁洵湧青紅殊天吳紫鳳  
訴海圖龜鼉睨虎豹狙果愚梁柱相柱扶靈官炭  
業高冠裾神媪相將行步徐七寶炫耀穹浮屠石床



陳丹竈孤玄門有路忽若無  
蘇磴登降我僕痛通  
明有穴尋歸途不知造化開  
闢初誰刻誰刻刻  
頗聞孫氏紀赤烏霹靂下劈  
山之隅人間始得窺仙  
都又聞有路通太湖金庭玉  
柱嚴禹書自慙骨凡氣  
濯滂欲注不得將何如欲往  
不得將何如

### 善權洞

湖沒有洞名張公天造偉麗  
非人功善權氣勢更若  
雄犇流下瞰如驚虹洞門有  
地平且豐孤石湧起何  
龍葱高屋絕壁青澗紅恍如  
身入天帝宮幡幢寶蓋



陳西東虺隤巨象披蒙茸狡視張吻吞豹熊亭亭玉  
柱立當中銀山對峙如屏風鹽堆突兀米廩崇眇眇  
猷畝水所鍾石梁交貫空復空人言此去路莫窮東  
至扶桑兩崆峒我疑二洞俱虺蹤地下有路應潛通  
前堂後宇相始終不然氣象胡乃同靈山福地神所  
封嗟我欲注將焉從嗟我欲注將焉從

善權寺

茲山信有神靈護棟宇傳聞自太和雷篆天書猶可  
辨星壇月館遙相過顛崖檜偃蒼龍蛻壞藏經翻白



馬馱應笑重來王相國不將玉帶繫山阿

和錢元抑投贈

虞人雅自重齊旌小奏由來止一成蕙帳久孤黃鶴  
怨蓼灘先赴白鷗盟春山乞竹眠思蔭曉井擔泉吸  
愛清蘄日著書今亦嬾且從靜處看浮生

貞甫大叅立二石於庭邀予賦之

垂雲

有峰巍然岵嶸連蜺蒼翠着人靄如縣雲始孰為之  
殆二氣之絪縕絪縕來兮知幾年至今瑞氣仍油然



霧非霧烟非烟莫教一日忽飛去散在人間作霖雨

漏雪

有魏一峰屹肆嵌空晶光眩日瑩若立雪始孰為之  
殆元氣之融結融結來今知幾時至今雪色猶褊褊  
燥不化涅不緇莫教一日俄騰騫散在人間作有年

謝人送楊梅

高林乍摘楊家果風葉翛翛玉露寒染指忽驚猩血  
紫飢筵爭愛鶴頭丹誰將物產修為譜多謝山翁餽  
為槃却憶退朝門下賜羹芹思獻自知難



苦雨二首

庚午歲

南方春夏交正是揀秧候望望惜雨乾事乃胡大繆  
霖霖已彌旬雨意猶未透山頭爭出雲不斷如饋餉  
滑滑溪路泥幢幢瀉檐溜只愁地將浮又恐天果漏  
乖氣亂暄寒重陰錯昏晝竈斨產鮒魚庭樹號饑鼯  
梁柱亦何為尚可充燎爇嗟嗟彼蒼生其命固難救  
洪範學不傳將誰執其咎

吾聞老子言驟雨不終日天道信有常如何亦難必  
方春常苦雨入夏勢轉疾滂沱每徹晨滴瀝又連夕



幸爾整開明俄然復犇軼田疇浩湯湯浸與太湖一  
吁嗟生民居化作黿蠃窟旦夕不自謀率歲豈遑恤  
歲行况在午史記歲在午當旱月宿乃離畢挽日當誰能補  
天恨無術安得萬里風吹使雨脚絕青天淨無雲紅  
輪皎然出

病中五適

蒲墩

纖蒲織溫柔朝夕置左右坐以支吾頤眠以閣吾肘  
漱今乃屬予臨川爾何有



湘筠翦瓏璵橫陳在君床雖然缺嫵媚亦可藉清涼  
病餘偶此適非敢效專房

曲几

久眠即不能久坐仍未得半眠半坐間唯爾我為適  
寄語柳儀曹何傷此為真

絺幘

朝蠅不勝祛莫蚊不勝拍伏爾為驅除安然睡通音  
寄謝石季倫錦步渡何益



布被

青絳非所便，蘆花亦已安。  
木棉足輕柔，病寢寢自安。  
幸非公孫氏客，至當何言。

王應爵侍御過訪將發阻風復留

落霞湖上晚山稠，迂吏經年守一邱。  
驄馬忽傳今雨至，蘭橈多謝好風留。  
病從此日如輕健，詩續前題更唱酬。  
早晚豸冠霄漢立，林間誰與共清游。

過子畏別業

十月心齋戒未開，偷閒先訪戴逵來。  
清溪詰曲頻迴



棹樓塵虛明淺送福生計城東三畝菜吟懷牆角一  
株梅棟梁榱桷俱收盡此地何緣有佚材

王唯顯款鶴軒

小築園亭淺布沙十年為爾養丹砂飛鳴飲啄皆隨  
意莫羨乘軒富貴家  
鶴鶴來前聽我言知君六翮快騰翻雲霄縱得天風  
便惠養能忘舊主恩

次韻賀憲副澤民會老詩

洛社耆英赴夙期乞身俱及

聖明時經霜松柏



姿彌勁爭道驂騑力已疲  
幸許兼謨為後輩不妨蓋  
叟是吾師年年共約林間醉  
世上升沉總不知

盛汝弼得孫

在洞庭東山聞報

老蚌生珠亦未遲  
庭槐又報長孫枝  
平生陰德人傳滿  
少小啼聲我識奇  
文肅尚應留祭  
戟箕裘况漫自  
軒岐他年元歎成  
名日還報東山老  
傳知

春日山行三首

風軟波平一鑑開  
湖山重疊見樓臺  
萬株晴雪懸厓裏  
只為梅花也合來



勝事春來日日忙  
梅花纔褪杏花香  
莫愁此後芳菲少  
又報東風到海棠

竹杖芒屨觸處輕  
暖風遲日近清明  
天公似識游人意  
特借春來幾日晴

謝賀憲副澤民示攝生書

一編授我未為遲  
火候抽添信有時  
爐內若能留戊巳  
市中端可遇安期  
本來面目吾忘我  
過去光陰彼是誰  
歌罷青天雲萬里  
還丹應有月明知

過范氏近竹園



昔聞臨頓里近在古城東南里先生宅龍圖老子宮  
幽亭花外遠曲徑柳邊通五月無煩暑琅玕滿院風  
送李給事貫使占城

海外誰云更九州明時還比古諸侯麒麟賜錦王  
人出孔翠包茆職貢修四鼓八更驚永夜鯨波萬頃  
變安流舉頭南斗分明近奇絕平生是此游  
占城詩云夜聞  
銅鼓八更天  
故吳參  
政惠使

恭題

宣廟畫馬

天馬西來自月氏  
光皇親寫乘黃姿  
百年遺墨人



聞見玉仙東頭立仗時

鼠須筆

顧兔猩猩兩禿翁時來鼠輩亦成功  
臨池晚穎偏宜我憑社為妖且貫戎  
覓伴好依居默氏石虛中冊熏  
應作管城公大倉縱是無憂地爭似流芳汗簡中

送元宗陽進士之京

南宮昔日謬持衡叶筆勢曾驚古戰場  
今日林間還送別九霄一鶚看高翔

吳中世德紀延之喜見春風入穀時  
莫恠崔公多自



說美莊三百在于斯

贈石湖盧隱君伯常

吳山青越溪碧吳越興亡兩安適千年事往那復知  
溪上人家自如織人家兩岸青粉墻其間特起是為  
盧家芝秀之高堂昔年芝秀產溪上顧非盧家此瑞  
誰能當盧家有翁不求仕年可六十須眉蒼朝翻經  
暮翻史不使聲華出閭里生兒唯願充耘耔自比唐  
家玉川子人言筆港如筆長二兒自小工文章大兒  
文采珊瑚耀泥金帖子前宵到小兒筆勢仍翩翩他



日科名美豈專從此溪山兩增重乃翁無事日讀道  
遙篇溪可湘山可採千古溪山鎮長在願翁之壽如  
溪山長不改

飲橫山吳氏醒酣亭

孤雲落日魚龍界橫山又在孤雲外一朝坐我橫山  
中回頭翻覺人寰隘就中最愛吳家亭浪花堆裏一  
點青千山在南紹山北亭山正直中間停天風飄飄  
吹我袂自覺蓬瀛不難至安得劉伶李白共此舉瑶  
觴百川吸盡無由醉



自橫山歸洞庭

漠漠輕風不滿帆，小船載酒舳舻銜。  
陶朱事業今安在，皮陸才情兩不凡。  
白鳥斜飛驚鼓吹，青山倒影動松杉。  
却憐范老江湖上，猶自憂譏與畏讒。

贈寫真

玉帶束麟袍，簪笏光射映。  
我服豈不華，戎德自難稱。  
委蛇廊廟姿，蕭散泉石性。  
爾筆信有神，顏此韻獸勝。  
種髮歲華催，泰宇天光定。  
應如巖壑間，蒼松老彌勁。

偶成



南國新寒九月時青綾半臂向晨披月明桂子香初  
噴露重芭蕉葉未知拄杖隨行聊當僕殘編重展恍  
還師清時自昔多遺士坐背斜陽理髻絲  
洞庭新建廳事柱下獲一甕中有錢曰太平喜  
而口占

一錢清白承先哲八柱高明應宰司天賜不多良自  
賀國家重建太平基

重到宜興

三白蘭舟只任風洮湖過盡太湖逢谿山處處還依



舊却是人心自不同

宿毗陵驛

戍舟疲宿毗陵驛城上烏棲霜月白客懷轉展自無  
眠何處人家渡吹笛



王文恪公集卷之六

震澤王鏊濟之著

吳興朱國禎文寧訂

雲間董其昌玄宰閱

詩

次韻林都憲待用蜀中行師二首

草檄軍前立馬鞍寄當分閫肯辭難城高白帝休番  
戍路繞烏蠻費折盤妖祲潛消邊日煖陣雲低壓瘴  
江寒何當奏凱歸朝署還整當年舊豸冠



單騎子先萬馬羣綠林諸盜伏斜曛要令孟獲懷諸葛又見曹軍怯趙雲千里仁風行若偃三年炎毒坐如焚平生丰采傾朝野蠢爾羗夷豈不聞

飲陳以嚴領孫堂

雲母屏深燭影斜德星還聚太邱家庭前玉樹森森  
立池上超宗敢漫誇

疲過西虹橋

疲楚橋邊步偶停疲船燈火散如星館娃歌舞今何  
處留得吳歌與客聽



賀師邵初授御史次師陳韻

越溪芝秀麗春晴瑞應人傳豸府名一日文章驚

變百年風鄴愛冰清大廷糾初當宸立秘殿傳

宣傍輦行聞說馬周工獻替九重還補舜聰明

題舊寫真

莫言故我非今我只恐前身異後身自是壺邱生不  
定丹青雖妙若為真

贈僧還杭州

徧遊鴈蕩與天台少室靈巖到五臺自是此身無係



着信於何處見如來高閒作字元非幻靈徹題詩漫  
倚才慙媿韓公長擾擾窮年學道只空迴

訪徐季止於瓜涇

太湖東轉碧溪斜來訪南州孺子家舊學不嫌樊氏  
稼閒情兼種邵平瓜畫船載酒人如玉醉筆題詩墨  
似雅好約年年為此會前村蹋雪看梅花

襟帶江湖樓為仲山都憲作

三江東去五湖西特起高樓枕碧溪桐里波光天外  
小洞庭山色雨中迷人懷范蠡舟難及地壓滕王閣



書低猶有仲淹憂不怠倚闌無語到烏樓

題秉之塘橋新樓

惠連特地起高樓准擬常時上相遊  
林屋兩峰從海湧太湖萬頃接天流  
日陳古藝兼諸史勢壓三山與十洲  
無限風光無限思賦才須是仲宣優

登陽山大石

陽山從西來勇氣正咆勃聯峰劃中斷  
散作石突兀不知開闢初誰創造化窟  
偶來陟其椒未少先歆蹶儼如大廷朝  
冠冕森萬笏又如羽林軍戈劍羅勁卒



抉開混沌竅截斷防風骨  
豁豁唇吻張璀璨鼻眼窅  
嘗疑地生疳又恐天墜孛  
嵌巖亦通透軒敞且肯率  
梯空路不窮補缺屋將杌  
沮洳滴玲瓏豐茸眠猛狃  
縫生蘚駭班罅卧松疆  
屈手摩畏猙猊足履愁艱  
崦靈湫瞰潛虬危巢俯棲  
鵲佳處誠悠悠怪事良咄咄  
鍊疑媧皇遺墮忍共工揆  
神禹鑿難平姱娥推歆沒  
大湖梧汀瀝絕頂箭恍惚  
作詩總前游歸興殊忽忽

遊天池和仲山韻

小輿詰屈穿雲岑愛此巖從萬石林  
迴溪倒挂松樹



老絕嶂半染蓮花溪尋幽偶值此日暇訪古正愜平  
心天池小立戒歸去夜來風雨聞龍吟

徵明飲怡老園有詩次其韻

吳王銷夏有殘闌特起幽亭據要津剝水繞時傷往  
事短牆缺處見行人綠楊動影魚吹日紅葉留香蝶  
護春為問午橋閒相國自非劉白更誰親

偶成三首

墟落斜陽欲暮時烏紗醉岸髮如絲山東未報收羣  
盜為問來鴻知不知



多岐公集  
言  
漠漠斜暉轉樹腰  
花前柳下步逍遙  
忽思右掖門前  
侶隱几無言候早朝  
習習東風皺水紋  
花前柳下步逡巡  
忽思左順門前  
侶屈首無言向內人

登龍門次師陳韻

飛步凌虛碧嶂腰  
雙扶顛顛逼層霄  
嵌中祇恐蜿蜒  
蟄缺處猶存霹靂焦  
擘訝巨靈雄氣力  
時瞻元禮峻  
風標知君頭角  
嶄然久只候秋風八月潮



天末遙瞻塔影層  
今朝携酒試同登  
吳中信是佳山水  
人世依然感廢興  
草滿琴臺微有字  
鳥啼禪院寂無僧  
懸崖斧鑿紛如雪  
何處題詩記我曾

### 栲栳墩

栲栳墩前酒一桮  
良辰勝友好徘徊  
綠迴埜色曄曄  
繞翠罨湖光面面開  
墩姓祇今應我屬  
風光自昔有誰來  
懸崖擬欲題名字  
千古行人首重回

### 游湖

游徧南湖又北湖  
畫船隨處宿菰蒲  
青溪著雨山如



染綠淨無風水似鋪玉帶  
麟衣爭快覩鳳笙龍管醉  
相扶輕撓又轉東湖去何  
似當年范蠡圖

韓文公藍闕圖

為陳以  
嚴賦

韓公不信佛曾信世有仙  
牡丹花上誰新賦一朝雪  
擁藍田闕阿湘幻化有如此  
神仙灼灼在眼前使公  
一語稍低屈携手同汪良  
非難胡為騎馬浪自苦秣  
令收骨江之邊乃知此公  
曾中岷嶴有壯氣抵死不  
肯從湘言當時果州有謝  
女白晝居室生雲烟須臾  
上升衆所見公謂魑魅物  
怪其逢旃後來儒者頗好



異遂令末世坎離龍虎紛紛傳乃知韓公不可及秦  
山北斗不獨文章然

送吳縣簿董仁之任鄞丞

自頃權奸偷國柄一時在位貪相競剥民膏血輸權  
門廉恥掃地寧復存誰知小官之中乃有吳縣簿守  
法廉平獨如故三年佐縣民愛深視金如土民如金  
每言吳人窮到骨吾此朘削吾何心吳縣簿真難得  
我欲言之顧非職一朝擢官向寧波於乎奈此吳民  
何



予伏林下覩閭閻之疾苦憫征求之繁多傷循吏之難值也每以為歎癸酉六月客有過予談海虞胡令之政者為賦詩

有客談胡尹炎敲座上清吳儂偏感德漢吏不求名  
正自催科拙無如折獄平懷哉不可借送子若為情  
留別王濬之和文定公韻

小隱何年獲扁來陽城湖畔草堂開團蒲曲几凝香  
寢町疇芳畦瘦石臺雪滿山陰王子至日斜滌上醉  
肯回銅甌早偏春消息欲取寒香入酒盃



鄒道士聽雨堂

虛白堂深寂寥心  
淅淅轉瀟瀟先聲似到梧桐  
葉餘潤旋添柱若苗  
信有雷霆驅律令不須蜥蜴助  
喧呶東先生去無人會空使巫尪得爛焦

贈仲山

東風漠漠動江蘼夾浦橋邊二月時  
花外小車來每早竹西高閣卧偏遲  
山橫爽氣閒支笏座按新腔自補詞  
聞有還丹須乞與市中誰者是安期

癸酉春雪



南國春寒看弊裘  
夜牕微霰聽颼颼  
夢迴虛室驚先曉  
瑞應新年望有秋  
老樹滿庭森檠戟  
小溪當戶擁蛟貅  
一朝頓啗貧家富  
捧玉擔銀入茗甌

王應爵侍御家園八景

愛山樓

懷親也

凭闌看青山欲去仍戀戀  
青山恒在茲而人不可見

靜觀軒

夫物各芸芸過眼總超忽  
靜中何所觀靜觀本無物

栖巖亭



歎壽何所有終年此棲遲世事正紛紛問渠渠不知

友石亭

巖巖太湖石與結終身契勿學市道交風波起平地

水月軒

明月墮流水流光終不定寒潭徹底清乃見本來性

慕瀛亭

花中有君子瀛翁後誰愛勿與流俗言牡丹時所貴

浚樂亭

鳥鳴岼柳垂魚跳渚花落曳履涉芳園吾亦樂吾樂



味菜園

抱甕灌荒畦採掇恒在予何相莫予欺予膜動三九  
與嚴太守道卿同登莫釐峯

微雨發春妍東風花外軟良朋約佳遊遙指莫釐巘  
平生山水心老脚肯辭繭壺觴紛提携曲磴屢迴轉  
不憇山之腰秘境漸披藏紫翠蓋幢翻青黃繡裯展  
頃更造其顛四顧目盡眩太湖小汀滢風帆時隱見  
吳門俯可掇越嶠杳堪辨摩挲舊題名班駁半苔蘚  
下山掛膏繭迷近遠問途值樵夫失脚悔已晚



傳絕壑窺漁漁素微認前村山寺吠鳴犬  
礪仰視坐猶喘韓公鑄華嶽正自恐不免  
獸持用戒軒冕

其道鄉鳴陽輩同遊法海寺循平嶺涉楊家莊  
還飲偃月岡

忘忽春歸不可攀且乘高興看湖山迴旋翠壑丹崖  
裏小憇青松白石間為愛韶華連日醉歷觀宦海幾  
人還風塵楚蜀干戈地舉酒何緣一破顏

雲間曹憲副時中夢予抱病作詩見及有可惜



中興天下計  
獸留忠鯁  
老東吳之句  
因鬪之  
五湖三泖  
亭相通知  
是平生氣味  
同抱病不應  
如獻  
可解嘲  
那漫似楊雄  
自慙  
杞國憂天計  
誰辦咸池捧  
日功  
多謝青山不  
吾負  
朝朝長對白  
頭翁

再遊南湖

漾舟出溪港  
舟人問安之  
我行無定在  
信彼天風吹  
東西與北南  
遠近齊所宜  
連朝風雨顛  
晴明喜今  
前  
鳴笳發湖口  
蘭橈蕩輕漪  
紅鱗潑刺驚  
鷗鷺相與飛  
和  
解數吳歌  
續彼滄浪詞  
風雲忽變色  
前山雨將



名題迴棹無為遠嶺岷  
送陳指揮蕃遷湘江都司

朝廷又起故將軍  
湘水吳山閫外分  
禹穴千年通御氣  
狼山比日熄妖氛  
驃姚方畧今誰敵  
卻穀詩書舊有聞  
楚蜀干戈猶未定  
早看幕府策奇勲

湖心亭

莫釐下瞰湖波水  
周垣忽向湖心起  
茫然萬頃銀濤中  
幻出樓臺信奇偉  
坐疑海上閨苑與  
蓬萊飛墮君家亭  
子裏長堤花柳青  
波紅曲闌直檻東  
西通龜鼉



魚泳鷗鷺集相忘如在江湖中石梁倒影卧水底無  
乃下占馮夷宮桑田滄海須臾變高下汎檣墻外見  
鵝夷一去那渡來五湖風月誰家擅我今無事身自  
由良辰佳節長來遊觀魚為謝臧僖伯看竹時同王  
子猷長風蕭蕭起天末浪捲平湖半湖雪歸來還約  
秋時把酒青天看明月

賦詩

無錢錢世思乞歸養母作樓曰愛日  
他自出稽首向日兮其出遲遲願義



和芳無馳其馳日今日今虞淵自沒稽首向日兮其  
沒舒舒願義與和芳無疾其驅日之遲遲兮為我親  
以常好日之舒舒兮願吾親以難老

贈錢元抑

詩裏休誇五字城一生文字學西京馬蹄蹀躞東風  
裏踏遍燕南幾十程

過鄧蔚山題天真上人新開禪院

手斲嵌巖鄧蔚濱五湖風月自平分鐘聲夜扣林間  
雨蜃氣朝橫嶺上雲慧眼又傳新法嗣幔幢曾折古



魔君我來亦是尋常事  
信息誰教野鹿聞

有約登天平絕頂者  
行至龍門力憊而止

峭峰突起萬嶺  
崦聞有仙局惜未觀  
勝事有懷行獸  
泚懸厓無路坐長歎  
龍門已覺吳天隘  
劍閣誰云蜀道難  
安得我身生兩翼  
凌風直上謝蹒跚

天平范氏堵

衰年不減登臨興  
福地靈山搜歆罄  
城西諸峰吾所  
嘉就中尤愛天平  
勝亭亭一蓋倚蒼  
冥儼若端人人  
自敘師山奔犬象  
山迴支硎秦臺皆  
退聽橫山當面



橫作屏背擁蓮華五相映林林萬后相拄撐倚挿半  
天欹不定蹲如虎豹奮攫噬騫如鵬鯨恣豪橫勇如  
武士力鬪鬪秀如女子色媚靚我來敬拜太史墳松  
栢陰森超一徑忽瞻萬笏森向天直氣噴薄凜猶勁  
乃思范公立朝時正色危言拄邪佞茲山固合生茲  
人崧嶽降賢尼孕聖吳山第一稱天平宋家第一稱  
文正高風千古允作合仰止巖巖續前詠

遊治平寺登吳王郊臺

朝發石湖濱暮抵太湖岸月山亦多情供我船中玩



船行山亦行一路青不斷白雲渺渺山重重不知何  
處昔是吳王宮越來溪邊越城在夫差受困云在茲  
山中今朝扣禪關訪古尋幽踪僧言事往那能識鐘  
鼓聲中度朝夕郊臺漠漠麋鹿游茶磨團團蔓荆棘  
不須吊古傷懷抱且欲憑高縱吾眺人家歷歷新郭  
里川瀆汙汙胥口道吳江塔影崑山城一覽因之發  
長嘯天風萬里天際來吳王郊祀昔日登斯臺千乘  
萬騎湖上下祇今安在唯見山崔嵬船來船去湖西  
畔青山無言人自換來來去去世無窮莫學牛山獨



金澤僧辨如海年八十九矣手製蓴菜併詩見  
貽因和之

玉盤急足送蓴絲風味鮮新慰所思金澤老禪三昧  
手當時張翰未曾知

送蕭尹九成

吳楓葉落洞庭波之子還朝整珮珂千古湖山添保  
障三年邑里減征科游從摠為斯文在瞻戀其如父  
老何白首林間睇霄漢青春事業莫蹉跎



次韻徵明失解兼柬九達

野渡空橫盡日舟  
蒹葭生滿白蘋洲  
毛嬙自倚能傾國  
穉穉寧知賸有秋  
學就屠龍誰與試  
技同操瑟不相謀  
人間得失無窮事  
笑折黃花插滿頭

碧螺峯

儼雙峰兮亭亭  
忽霧繞兮雲橫  
岡巒紛兮離合  
澗壑黯兮崢嶸  
望夫人兮不遠  
路杳杳兮難征

甲戌春偶成

正好春光二月天  
梅花如雪柳如烟  
那堪日日風和



丙辛負穠華又一年

二月十二日雪

正德九載春開歲始十日青天忽聞雷遠近驚辟易  
雷聲甫云收大雪忽盈尺連陰二月中鄴候過驚蟄  
春云晴浚雨雨浚雪仍積柳條壓將摧梅萼凍全坼  
園林諸草樹勾萌吐仍鬱頗聞春秋書又覽月令說  
從來天人際茫昧固難詰寄語傳巖翁誰與秉調燮  
苦雨和施鳴陽

十日愁霖一日晴晴時旋聽屋檐鳴摧頽楊柳春無



桑狼籍梅花夢自驚觸石玄雲隨處起中天紅日幾  
時明唯君不為衝泥怯一慰閒居索莫情

與宜興邵天錫小飲象鼻嶺

漠漠輕陰雨後晴晴時還不廢郊行困依石几嵐侵  
座醉吸湖波灩入觥小圃荒畦春事動落霞孤鶩暮  
山橫何如罨畫溪邊路共坐蘭舟蕩月明

至太倉欲觀海不遂

我欲乘桴從魯叟一觀出日恨無由扶桑只在船窓  
外張望淒涼日夜流



舟中望鳧山

雲外孤峰影墮江  
船頭風浪共低昂  
廿年舊事空回首  
山自閒時人自忙

還至維亭

早潮時去晚潮回  
陸市巴城邈迤來  
只尺維亭看又過  
人生行止信悠哉

同年湯侍御用之自壽  
春來訪予於吳中流連  
人之時同年在者惟仲山  
世熙兩中丞因邀為  
石湖之游日云莫矣直至  
上方而還因賦詩為



別二首

遲日溪山好放舟  
同人同作石湖游  
曲江雲侶晚  
在宦海風帆喜  
並收駕命淮南真  
繼呂堂開穎上獨  
慚修莫言筋力非  
疆健昏黑還須到  
上頭

勾曲歸來訪故鄉  
姑蘇臺上看斜陽  
影同月下三人  
飲目斷雲中一鳥  
翔往事悠悠餘雪  
髻交情款款只  
霞觴歲寒尚有籬  
邊菊欲伴韓公晚  
鄮香

六月十九日避暑偃月岡

酷暑人間無處避  
短輿侵曉過東岡  
方塘曲磴清泉



漱翠竹蒼松白日涼苔色便教鋪枕席藤枝聊可挂  
冠裳渴心兩月今朝寫玉斗無煩勸蔗漿

東山圖寄同年謝少傅

謝公昔隱東山阿其如海內蒼生何謝公今隱東山  
上海內其若蒼生望東山何在雲悠悠乃在會稽東  
海之東頭朝攀扶桑枝夕飲嚴灘流謝公昔日登臨  
處今日公來還釣游林間世事閑來久自信忠貞能  
不朽蜃嘘樓閣倏當空世上浮名亦何有嗟予壯歲  
每從公公之心事吾能通嘉謨動得明主顧効



氣直犯奸邪，鋒奸邪作奸。今亦已中外，望公猶未起。  
老松眠壑無萬牛，大材為用真難耳。平生不識五侯  
鯖，屈鐵為鉤非所能。讒煙謗燄久自熄，不煩桓伊仍  
撫箏。

九月二日登高

重陽未到便登高，萬里天風觸錦袍。山色湖光兼雨  
暝，詩懷酒思入秋豪。丹砂漫貯千年藥，白雪先嘗九  
月糕。北鴈聯翩音信杳，懷人無語首頻搔。

與謝憲副德溫游陽山箭缺至半山寺而止



箭缺挽天知幾重半山聊沒憇吾慵孤臣何處埋幽

憤

夫差殺公孫勝於此

高閣閒來坐晏春溪院潺湲鳴剝竹懸

崖砢砭偃長松迴船又過楓橋去卧聽寒山寺裏鐘

奉次楊漸二閣老見壽之韻

只今廊廟有居州野渡宜橫一葉舟月上東山成獨  
飲花明西苑共誰游杜陵卧病傷今雨宋玉懷人感  
暮秋多謝新詩寄林下壽筵無地獻觥籌

陳以鈞得子二首

丰舫齋前種玉時森森纔見出墻枝如今又見孫枝



透鳳尾脩脩轉更奇

年踰耳順髮髩髻其柰諸孫未見何獨愛君家有英  
物峽峽頂玉幾摩挲

將游毛壇宿包山寺明日雨不克往

毛公已去有仙壇眼見亭臺欲到難翠壑蒼厓增惘  
恍玉芝瑤草長闌干洞無金鑰誰能闢井有靈砂尚  
可食傳語仙翁莫終棄當時鷄犬從劉安

次師陳西干草堂韻

晏子豕居不厭囂年來市賈識偏饒窓禽曉下窺書



案門柳時來繫釣桡刺水尚紆吳子國小山寧受越  
人招紅闌綠浪姑蘓境寶帶西來第幾橋

乙亥新正十日過陳湖二絕

漠漠湖光隱磧沙陳湖東畔是君家春來十日無人  
見一樹寒梅已着花

年來自身世攄悠悠漫作陳湖兩日遊東望煙波雲萬  
里逝將吾道付滄洲

二月真適園梅花盛開四首

萬株香雪立東風背倚斜陽暈酒紅把酒花間花莫



笑風光還屬白頭翁

花間小坐夕陽遲  
香雪千枝與萬枝  
自入春來無好句  
杖藜到此忽成詩

香雪千山煖不消  
我行處處踏瓊瑤  
絕勝破帽騎驢客  
風雪尋詩過灞橋

春來何處能奇絕  
金谷梁園俱漫說  
誰信吾家五畝園  
解貯千株萬株雪

二月六日庭前柏樹有露如脂其味如飴  
或曰  
甘露或曰非也作詩紀之



一樹瓏璁凍欲流  
碎攢紅玉上枝頭  
香分醺醖春誰  
釀光映珊瑚夜未收  
端謝仙人雲外掌  
思霑者道  
傍喉不知造化真何意  
獨凭闌干翫未休

和九達見招山行

閒居無送亦無迎  
唯是看山尚有情  
那更亞夫懷快  
快却憐定遠策平平  
登高眺遠眸方豁  
度壑穿林脚  
尚輕消夏灣前雨  
明月我船終日盡中行

消夏灣

四山環列抱中虛  
一碧玻瓈十頃餘  
不獨清涼可消



夏秋來翫月定何如  
畫船棹破水晶盤  
面夫容正好看  
信是人間無暑地  
我來消夏又消閒

明月灣石板

巨石陂陀板樣平  
三山當面看雲生  
何當子夜重來此  
濯足滄浪對月明

石公山石洞

石公之景殊不惡  
巨石懸空欹不落  
爭知不是補陀

山中有山人  
嚴纓絡



石公山試劍石

懸崖峭壁立千尺有洞虛明忽中坼吳王寶劍烏能  
然恐是巨靈神斧劈

石公山

石公幽處無來跡亦有入家散竹陌我船欲開還不  
開愛此孱顏蒼雪色

林屋洞口古井

聞有紫隱泉真誥云包山有白芝又有隱泉之水正  
紫色華陽雷平山有田公泉飲之除腹  
中之蟲與隱泉水同味云是玉砂之閩在靈仙境金  
流津也用浣衣不用灰此為異矣



庭不可扣且此汲寒井

洞口有深井雲漿湛虛空我來携一甕會與仙源通

徐氏薜荔園

花木年深錦作圍日高潌紫滴成霏鴈聲晚過橫山  
遠帆影春歸渡渚稀木末芙蓉風盡落墻頭薜荔雨  
多違却嫌舊日園林主鳳沼承恩久未歸

五月十三日過東岡看新竹時楊梅正熟紅綠

穠蔭可觀也詩因及之

新竹娟娟蘊竹斑東西巖立萬良干



地清蔭濃添白石壇羽扇動搖香粉墮楊梅點綴絳  
星攢我來避暑年年事錦繡無煩為製冠

慰東之

功名不用嘆禿池利鈍人生固有之襄野迷途迴來  
遠邯鄲榮夢覺多時尚平易足君應爾遽瑗知非我  
所師芥蒂胸中都掃盡兄酬弟勸復何疑

鼎鳴陽苦熱韻

皇天分四時夏也獨可畏北陸迎炎曦當午勢逾熾  
炎年苦侵凌袒跣時露臂絺幘可屋張竹床聊假寐



溽暑亦多情不飲仍似醉黃昏稍露坐替暗蚊莫避  
緬懷東岡翁本自彊人意脩然松竹林清涼異人世  
錦箨許裁冠惠我有新制廣夏幾時成幘幪賴餘庇  
喜言敬少卿致仕

似我歸來亦未遲夫君得謝又先之  
高位白社多緣赴夙期到處谿山同載酒故園風物  
儘裁詩一場好夢今朝覺却任傍人道是癡



王文恪公集卷之七

震澤

王

鏊濟之著

吳興

朱國禎文寧

訂

雲間

董其昌玄宰

閱

詩

追思慈愛堂為武定侯郭勛賦

蒼梧雲黯燕雲濕北望燕山空掩泣江湖漠漠山重  
重高堂人遠何嗟及憶昔前人佐

真主金戈百戰開茆土山河帶礪誓始終奸蠹潛萌



中齟齬牀前學語貌諸孤抱向閭闔聞呱呱天門九重不可問十年泣血絲綆如飲冰嚙藥老益堅中宵抱恨常悄悄金石可移心不改茹苦嚼哀重籲天精誠動天天為顧茆土還加舊名數金書鐵券古元勳繫兜鍪新開府聖恩重處慈恩深玉帶腰懸自循撫古云死易立孤難程嬰杵臼猶摧殘誰知女婦伸大義坐令苟息生厚顏昊天有極恩罔極迴望燕雲長太息

四月九日與弟秉之進之過通安橋顧氏因偕



玄敬登陽山絕頂次日過虎山橋七寶泉至靈  
巖山而還得詩三首

陽山高幾千丈箭缺遙瞻在天上  
一朝置我箭缺傍坐覺諸山皆退讓  
太湖汀瀆平於杯夫柵包山近  
相並山腰鳥道何盤盤十步九折行  
且嘆昌黎正逢衡嶽霧太白休歌蜀道難  
夫茫悔悟苦不早公孫白骨纏荒草  
子胥伯嚭兩邱墟天地茫茫人易老  
劃然長嘯來悲風一杯敬酌浮邱公  
何時借我綠玉杖從此拄過扶桑東  
詩成西日下山去回視山柵但煙霧



虎山橋

湖上仙山翠巘重  
畫闌面對夫容人家斜日東西  
崦野寺浮嵐遠近鐘我欲濯纓來此處誰能築室傍  
前峰放舟又過溪橋去恐有桃源惜未逢

七寶泉

嵌巖滴玲瓏七寶甃完月幽亭泉上頭暗道曲通穴  
剖竹走長蛇晝夜鳴滴滴煎無三昧手渴有七盃  
寒能醒心神澄可鑒毛髮桑苧行不到品第誰為別  
里段向空山側此行道喝



和材都憲見素侍用見寄之韻三首

止足平生不顧餘肯將道義負心初  
詩傳元白郵應困門引鄒枚席尚虛  
甲第又承三世學皂囊曾草華言書  
交游海內知多少尺牘何人問隱居

俯仰乾坤思有餘民風漸降已非初  
東都氣節真堪重西晉風流好是虛  
慷慨有懷公攬轡殘生無用我耽書  
七閩風月誰收管多在雲庄一晦居

夔蛇誰欠復誰餘門掩青山過雨初  
獨樹春歸花意開九天雲盡月輪虛  
懷人不見願空狂得句無言手



自書寂寂荒村斷來屨洞天真作野人居

八月四日送子延喆北上八日至鎮江游甘露寺看狼石泛舟登焦山至絕頂順風揚帆直抵金山壯哉游乎得書四首

### 甘露寺

頗憶登臨擊舟渡此過羸剗傷斷壠

北固山後始謂有玉

氣鑿斷之至今殘兩斷壠庭有梁刻認餘波海霧晴

一鐵鑊甚巨刻云梁天監中鑄嘯蜃江風疲吼鼉孫劉何處問狼石卧荒坡

### 焦山



還將雙髻白來看一峰青江海交流處乾坤蒼山亭  
山形雄虎勢雨氣挾龍腥尚記燒丹井難尋瘞鶴銘

金山

快得天風便輕帆破浪花江山曾有約人世亦無涯  
岼壑潛鼉窟潮侵落鴈沙未須留玉帶且欲訪靈槎

鶴林寺

鶴林自是前朝寺落日荒郊有一僧安得道人般七  
七杜鵑花似舊時能

懷泉



泉之流兮湯湯我之懷矣與泉偕逝而無忘泉之鳴  
兮泠泠我之懷矣與泉偕滴而無聲山下出泉兮于  
彼幽谷栽種我橘兮于山之麓泉橘相依兮其陰日  
繁以沃橘之香兮泉之冽病者飲之兮浣彼肝肺泉  
之甘兮橘之香病者飲之兮盪彼胃腸疫癘消止兮  
神明內融濟人利物兮前人之功吾雖不及前之人  
兮心與前人之心同願橘香兮不絕泉兮不竭我心  
亦然前與茲泉終古而不歇



野航誰謂小恰受野人身載我欲何向五湖烟水濱  
庭前牡丹盛開

一年花事垂垂盡忽見庭前錦繡層  
綠臉薄侵紅玉  
暈芳心斜倒紫檀稜春雲不動陰常覆曉露微霑媚  
轉增造化無私還有意石闌干畔幾迴凭

送蕭九成

聞道為關日舟船正好行依然經賦足頗覺筆緡輕  
牢落江湖夢遲迴故舊情致身霄漢上林下望昇平  
八仙獻壽圖



今日何日春晝長祥雲五色如蓋幢  
玄元儼在雲中央羣仙禱還進壽觴  
鳳麟為脯瓊為漿彈八琅璈舞霓裳  
玄元既醉悅且康授以長生不老之藥方  
我公之壽三千霜

飛仙圖

若有人兮來自天雲為冠帔星為鈿  
九霞袂帶霓輜輶幡幢繚繞笙簫闐  
雙成擁後飛瓊前綽約侶是瑤池仙  
玉山之南半山主主人已去有賢姥  
冰霜之操節猷苦精誠動天天應許  
有桃如斗棗如瓜紛天仙



分以腰女元運上送仙家打坐金白髮回朱顏賢姥  
之壽齊南山

得孫喜而有作

七十年来孫始見啼聲一聽便開眉家藏萬卷真堪  
托庭植三槐夙期膝上久拚文若坐目前先慰右  
軍思三朝袍笏吾無用付汝他年託 盛時

唐成子壽圖

青山重重白石齒齒長松陰陰濯濯清泚中有至人  
綠髮方瞳侶唐成子降於崆峒羣仙何來蓬萊之島



酌彼瓊漿浚天難老願分餘瀝及此下民吳門之隱  
僖歟之孫七十年間陰功在人翱翔藝苑及今白首  
何以祝之岡陵山阜

韓文公勘書圖

墟落新涼對勘書士龍臨此意何如江南亦有韓熙  
載到處人傳疲讌罔

贈况山人

姑蘓入國朝守也誰第一况侯江右來經緯氣鬱  
緯羅頊境界清減稅嫫嫫殖所以吳下人至今感三



骨空山掩關卧有士叩蓬華云是况家孫兼邃青島  
術洞庭白沙間為我卜窀穸茫茫彼雲山莫此云最  
吉侯政自堪思生意尤歎密胡能終偃蹇命車還一  
出我生本悠悠世事仍咄咄生前且莫料身後誰能  
詰青松白石間與子坐終日勿言身後事且盡杯中  
物

覽黃省曾明水集

勉之生也少所負良崎嶇雖從諸生游而懷物外心  
賦詩何所師泠泠秋澗琴鍾生去我久誰復賞此音



不見昭代士麗藻映詞林元英與大呂一鳴喙皆瘖  
青紫俯首拾為國希世琛

東岡隱士築亭於松竹之間名曰款相意以為  
予予不敢當而有也為易曰來賢八月二十四  
日初會亭上口占一律

竹間新築小亭低草色花香醉不迷安樂窩中人略  
似逍遙公後世誰齊莫因徐孺懸陳榻時許王猷過  
剡溪願得時和邊燧息賦詩携酒日同躋

八月十五夜再得孫漢次前韻



一歲中間孫再見馬家誰數白為眉冰輪滿正中  
夜光嶽完當丙子期書卷家傳吾欲付麒麟抱送  
堪思從今好學汾陽領尚見箕裘克紹時

送吳文之會試

湖上輕帆曠去颿燕雲漠漠快鴻毛洛陽賈誼年猶  
少蜀郡楊雄賦最高歷塊始知千里駿當場誰是九  
方臯洞庭自昔鍾靈秀不用夷亭俟海濤

次韻東岡十詠

五畷幽棲地謀生不願餘門淹戶牖輒架扶鄴侯書



富貴憑蕉鹿文章辨魯魚尚餘驕客在且欲倩君鉤  
洞天連福地閉戶養吾真世降民風古春歸景象新  
鷄豚同作社魚鳥自相親借問誰相侶羲皇以上人  
蒼雪餘千楫清風幾百竿葡萄虛晚酌苜蓿媚春盤  
理亂誰能係升沉已厭觀鹿門真得筭猷遺子孫安  
階穿新迸笋屋破慙牽蘿欄養能言鴨池馴博字鵝  
處喧長得靜取足不求多獸對青山飲時時一浩歌  
誰謂市廛遠時新薦亦嘉庾郎春末蒞陸叟雨前茶  
架護新秧橘瓶翻自灌花山人殊未識道是魯東家



先民遺訓在種德莫如滋  
盧橘接成村楊梅低壓枝  
壽應能比櫟智豈不如葵  
沮溺耕相耦都忘抱甕疲  
未能齊出處猶幸得齊年  
郭泰舟同載陳蕃榻借眠  
溪山朝上日墟落晚生烟  
村徑相過近詩成幾百篇  
剡淅幽居趣懸車却悔遲  
款山低作檻畎水曲通池  
步月相携處觀雲獨坐時  
悠然沂上樂點浚少人知  
黃閣歸來日伊誰共歲年  
巷中顏氏樂谷口子真賢  
小閣調鸚語閒窓對鶴眠  
平生出處意把酒問青天  
耕桑時有暇風物亦登臨  
自是逃虛子誰同擊壤吟



簡編中對古冠服外隨今一勺源頭水冷然洗我心

杏林

陸家園裏千株杏處處花開不待春種樹由來還種  
德枝頭顆顆總含仁

三月三日庭前白牡丹一枝獨開

紅紫休誇錦作堆瑤花一朵占先開似從姑射山頭  
見不減唐昌觀裏栽  
藹藹每憐天與態  
瓏璵應藉雪為胎  
風情一種無由見  
携酒誰當月下來

董諭德文玉歸省其父太守德初詩以寄之德



初余同年進士也

瓊林三百英雄輩海北天南渡幾人  
歎喜長唐陪曉月更誇威鳳應昌辰  
詞垣正印斯文遠曲水浮觴禊  
亭新萬木青松何足羨與君同閱八千椿

秉之齒落有詩且羨予齒之牢和其韻以慰之  
且自慰云耳

兄弟一氣耳誰強誰弱衰第齒落更落予髮白且落  
朝來覽明鏡鬢鬢亂如茨咄哉此二疾自古誰能醫  
太公口含兩張蒼一無之年皆過百歲天豈云獨松



人生如大夢世事如奕棋社禱散乃壽自全本支離  
兄弟幸在告為樂當今茲湖山共追逐杖藜未須支  
頭童與齒豁韓公浪云悲西山朝氣爽不妨拄空顚  
姪延學作亭湖上甚壯歆

幾醉池亭雪色醪近聞亭子勢尤高白鷗不避新剏  
曲黃鳥時窺舊賜袍波影半簾雲滉漾山形四面畫  
周遭我来壁上題詩句禿盡中山顧兔毫

風風雨雨過端陽畫扇朱絲邈建章佳節久拚連日  
醉故山空負一春忙胸中漫貯匡時略肘後新傳卻



老方聞道湖州園未解坐令胥口作瞿塘

讀擊壤集效其體

林下老人何所求求非拜相非封侯所求海內民生  
遂所願朝廷聖德修工鯨人人崇禮讓寇夷永  
永罷戈矛熙熙萬載雍熙治林下老人何所求  
二氣陰陽相盪摩不知真宰意云何三王二帝時節  
少五季六朝衰亂多倉琅又見歌赤燕翠釜還聞羞  
紫駝近事天高何處問牛女今宵方渡河  
我愛東岡一老人百年長作太平民無憂無喜亦無



媿有酒有詩兼有賓接樹灌花為活計游山玩水搃  
天真我生亦是悠悠者願得東西永作隣

水仙花為張

藐姑射之神人携溪濱之二女儼仙袂之飄飄沙滄  
波而齊步張交甫以莫從攀桂枝兮延佇

丁丑八月二十日與弟侄輩泛太湖將遊石蛇  
山舟發微雨既而雨大作抵消夏灣蔡九達舍  
宿明日雨又作游興索然乘便風而還至家則  
日出皎然矣為之一笑賦詩紀之



載酒張帆信所如青山含雨轉模糊蛇邱咫尺翻成  
遠夏渚消搖可作踈世事無端還自笑秋陰有像若  
為圖始知白傳真堪羨五宿澄波皓月湖

庭梧七首

庭梧曾手植忽已逼蒼穹清夜長聞雨晴朝慣惹風  
旌幢驚對峙琴瑟訝中空鳳鳥何年至吾生尚爾逢  
春朝起常遲欲覺還偃仰隔窓幽鳥聲日照梧桐上  
暑夜卧常遲搖搖動輕箴仰嘯取天風風在梧桐葉  
秋夜忽已涼風葉何蕭騷露坐不知久月挂梧桐梢



長夜夢初回月上山之厓何由知月上梧桐影橫斜  
長夜夢初回雨來山之北何由知雨來梧桐聲淅瀝  
冬夜不成眠寒燈聽騷屑天明驚皚皚梧桐枝上雪  
和秉之送菊菊有楊妃西施之號

先春罨土橙編籬同對年來亦好奇自笑老夫心力  
懶黃花隨意着高枝

爛醉都忘倒接籬高堂四菊十分奇西施未醒楊妃  
醉白髮樽前恐未宜

年來黃菊也隨時鬪出金盤與玉卮獨有歲寒心



在落英重作楚人詞

瑞柑詩有序

洞庭柑橘名天下弘治正德之交江東頻歲大寒  
其樹盡槁民間渡種又槁包貢則市諸江西福建  
謂柑橘自此絕矣予圃漫栽數株丁丑秋樹有五  
十餘顆皆珍柑也其餘纔盈二尺許亦皆結五十  
餘顆山人爭謂之瑞喜而賦之

洞庭千樹綠化逐鶴林仙寂寞荒園裏  
累垂寶顆駢揚州傷錫貢合浦詫珠還  
瑞應憑誰紀靈根自此傳



素履詩

考祥元視履厥初慎無咎絲華非所忻貞靖自吾守  
遂止諒不能欲進夫豈苟黼黻煥彰施白賁乃其舊

東菑詩

君豈東菑人而事東菑役帶經和雨鋤抱硯臨溪滌  
非菑安有菑不耕固無獲他年看秋成千鍾豈謀食

西湖

我愛西湖好何時此一行六橋明月夜花底画船橫

丁丑十一月得宣府報



土木垂殷鑒，俄傳北狩音。  
淚纏寰宇痛，坐厭法宮深。  
洛水歌鈞石，祁招度式金。  
誰扶鰲極正，特慰杞人心。  
再次曹定菴憲副見寄之韻

九十未及八十餘，惓惓憂國心如初。  
臨池草聖水通墨，隱几心齋室自虛。  
海內浪傳平子賦，濟南誰授伏生書。  
煩公重有東山望，懶性今從水竹居。

丁丑季冬二十三日過永定邵氏舟次荆溪和杜子美客夜韻時杜兄勝陳宗讓同行

荆溪舟獨進，兩岸雪山明。  
風破孤帆力，冰剗壞櫂聲。



山陰懷舊侶洛下詠諸生漸覺銅棺近悽然傷我情  
疲泊方橋

天暝去程遠扁舟宿鴈沙風烟漁浦樹汀水野人家  
不識剡溪路空懷博望槎鄰邦猶蹇澁况欲走天涯  
河橋舟發歸途作

伐鼓侵星發吳門此日還斷澌溪漲濶融雪隴痕斑  
劍井來寒樹銅棺失暮山哀年仍事役翻羨白鷗閒  
宿毘陵驛

孤舟城下宿城漏滴寒更汪事無人問幽懷忽自驚



春星垂野動村火隔江明北鴈無來耗蓬牕夢不成  
黃勉之明水草堂

虎阜峭奔入天平秀特分軒窓通映水几席欲生雲  
讀易已忘易攻文不倚文閉門方習靜非是故離羣  
送李尹經述職之京

吳下徵輪歲轉多瘡痍方仗使君摩銓曹又上三年  
最里下魯聞五袴歌茂苑雪消鳧舄遠彤庭日永  
豸冠裁春風十里楓橋路挽鄧無由柰爾何

苔石幽篁圖



湖嵌一卷多瀟碧數竿只愛此亦何為正也受命獸

偶成

生世七十年迴看如一日中間事萬變或喜或憂戚  
得失與升沉其事固非一杳然如夢中無渡留彷彿  
前者既已爾後來亦當必所貴寸心虛翛然不留物  
俯仰天地間無媿亦無慄

秉之六十初度

昔我與子兮弟南兄北看雲望月兮思其有極每懷  
一晤語兮路遠而不得茲余乞告來歸兮子亦辭此



郡章大衾與長枕今日夕聚此一堂胡為乎限一衣  
帶之水兮歎濟而無梁一年不十會兮悵中心以皇  
皇喜獻歲之發春兮將上元節開花燈高燒兮絃管  
噪噪嗟耳順之華年兮亦人生之難到子春秋遑遑  
以日高余豈能乎無眊眊世上之浮名兮曾不可以  
與謀彼器溢而餗覆兮樂曾不免乎憂謀人國而不  
善兮寧顛蹶之憊尤進陽阿之妙舞兮發南國之新  
謳歌舞佯佯而迭進兮曾不知歲月之邁年年歲歲  
樂復樂兮與子同壽乎千秋



雙湖詩為僉憲謝廷柱作

嵯峨靈峰嶺蒼茫寓國山而湖分映東西間兩湖相  
去無十里龜龍天池相對起朝游長林暮小沚蕩舟  
欲行行且止君非渭川叟公侯封已晚又非鴟夷子  
烟波去不返要知釣徒非釣徒勅賜散仙在江湖

偶成三首

飯飽亦何事繞池看魚行  
繞闌秋雨歇倚杖暮山橫  
忽忽吾將老紛紛物自營  
百年天地內事業竟何成  
嗚起亦何事走筇馱看山  
浮雲世事改白日此心閒



鼎鼎歲華晚提提鳥倦還雖居人世內人世了無關  
黃閣三台輔青山一病翁伊周曾有志房杜本無功  
聞此人頻異謀主室屢空行藏那可問雲外送飛鴻  
題四皓圖

蒲輪應召出商顏漢嗣瀕危即日安若使四翁終羽  
翼肯教雌雉變皇鸞

謝安圍碁圖

朝野皇皇意獸閒依然草樹八公山誰知秦晉興亡  
事祇在先生一着閒



東之惠巾製甚奇侶東坡而小異老夫之所宜  
戴也賦詩謝之

幘頭窄窄帽尖纖雅俗無如此樣魚鰓似林宗微展  
角高如蘓子不為簷將籠白髮真相稱若對青蛾未  
免嫌我是越人猶愛看肯教漉酒似陶潛

四月八日飲陸長卿園亭

連峰忽地起巔坼倒影亭臺漾碧湍寶障傍人雲錦  
煖玉甕留客蔗漿寒梅酸正入調羹用花好還宜秉  
燭看魚鳥浮沉滿池上我來終日倚欄杆



三月望日飲張延德園亭

高柳陰陰影入池  
落花飛絮蕩游絲  
輕風送酒催雙槳  
活火煎茶試一旗  
卻穀詩書傳有種  
習家亭館醉無期  
獸隣漆室何為者  
北望長吟有所思

延喆使歸自福建得衢州錦川石立於庭前戲作

錦川來錦化為石  
道遠縣知不易來  
千歲僵松鱗駁落  
一株寒土骨崔嵬  
庭除有地頗相伴  
梁柱無能莫見猜  
賴是前人清節在  
鎮船元藉鬱林材



王林

藍田曾種玉，歲久長琅玕。琪樹東西映，瓊枝遠近攢。  
每羞何氏獻，聊試偓生餐。况復人如玉，蕙葳歆倚難。

東湖書院為吳獻臣都憲賦

獻臣先家湖湘有東湖浚徙廣西亦

作東湖書院  
不忘先也

東湖烟水空，浚空乃在武昌之西。嘉魚之東，氣吞長  
江，捲七澤，聞有至人昔年隱居，漁釣於其中，邇來一  
百四十載，九疑聯綿，竟誰在？豈知蒼梧萬里，雲山中  
亦有東湖儼相待。潯江灘江左右，流落霞孤鶩長悠。



悠閒來竭登大雲巔霜露鬱鬱愁松楸主人自是身  
許國到此誰能忘首邱此亦一東湖彼亦一東湖乾  
坤萬里雲飛狐願君慷慨終許國致君堯舜始作范  
蠡扁舟圖

希邱

誰云虎邱小我覺希邱大嘗疑海上峰湧起自天外  
忽墜平野中萬劫翠不壞夫差昔霸王猛氣亦已汰  
神斧鑿巉巖洞白銀河派雙崖削未平呀呬勢將噪  
靈湫湛寒碧劍氣溢光怪銀海鴈飛沉冰巖松倒挂



前朝百戰爭今為梵王界吳儂得遊觀時節紛絳藻  
我老猶愛山興至時獨邁聿登浮屠顛坐覺三吳隘  
雲夢如可吞八九無蒂芥千人石上眠把酒向天酌  
不知開闢來曾見幾興敗天風忽然生萬竅同一噫  
鴻山松竹吟波浪恣碎礪平生磊隗曾至此殊一快  
升沉世上名瑣屑真癘疥我生本優游幸脫軒冕械  
甘為愚公愚不受蔡叔蔡願言從樂天一年十二局

送李端彝端行昆仲還嘉魚

二子故許事承芳  
之姪自楚至吳未

為其父

之墓銘



二李高風挽不回  
三山衡嶽漫崔嵬  
憑將一掬懷人淚  
灑向黃公舊釣臺

自楚來吳幾千里  
五湖風月得同遊  
片帆明日人何處  
悵望長江日夜流

烏林有鳥不安巢  
聞有挽天赤壁高  
我欲因之訪遺跡  
側身南望首頻搔

武昌西去是嘉魚  
縱有魚來不寄書  
林屋天高無去鴈  
他年何處問何如

野人獻菊碧色好  
每叢作雙鳥並立  
名鴛鴦菊為



之賦詩

開與黃花不並時  
脩然天與碧鮮姿  
多應幼玉同韓重  
化作人間連理枝

枝頭兩兩立東西  
知是鴛鴦不獨棲  
一種貞心誰得侶  
廬江小吏仲卿妻

不向東籬嗅落英  
相呼相喚本同聲  
不知草木緣何事  
也作人間兒女情

再至天王寺有感

溪鎖祥扉暫一開  
竹間那漫舊池臺  
歲寒只有庭前



朽五十年前見我來

舊日沙彌今老禪白頭我亦異當年見恒河性依然  
在莫為浮生一惘然

慰東岡失子

生子秀而文燦然瓊樹枝豈獨立門戶且欲承裘箕  
一朝忽摧折天也真難期縱使鐵石腸誰能不哀斯  
哀之倘可生象也理亦宜號天天不聞扣地地不知  
肝腸為爾裂齒髮為爾衰死者竟不返生者空自隳  
兩傷渡何益不悟真成癡我有一藥方授之竺乾師



能治迷罔疾願君試服之茫茫大化中萬物皆寄而  
賢愚與貴賤超然同一岐雖有壽與夭同盡無等衰  
彭聃安在哉孔孟亦若茲况區區所立畢竟何足施  
譬如空中華妄作喜與悲倏然還變滅豈足仍追惟  
所以東門吳無兒如有兒衆生纏愛賊有如雀黏糲  
卓哉古達人棄去如唾涕愛河苟不乾苦海終無涯  
天道有翻覆人事多參差自古每如此吁嗟柰何其  
顏淵仁且夭不聞路也羸子夏泣喪明但為後人嗤  
追亡建負鼓嗟哉空爾為勸君急返棹收淚舉一卮



挽施仁德

又是山陽聽笛時  
狀元門第舊弓箕  
鳳池乍長丹山羽  
瑤圃俄摧玉樹枝  
載酒常時遇問字  
趨庭此日罷聞詩  
悠悠真宰知何意  
誰與乘槎一問之

己卯開歲連雪有作

江南開歲逢三白  
陰乍晴時晴淒淒  
陰瑞葉得風狂作  
勢梅花和月冷難禁  
漁棹未愛江頭好  
龍馭惟憂塞上深  
我是袁安方閉戶  
地爐火暖獸愁吟

是歲年  
儉民飢

戲題羊皮燈



剗腸何罪有誰憐化作光明照綺筵  
百里粥漫春市裏五星明聚夜堂前  
兔輪避滿苑生魄魚枕潛輝宿  
解懸只恐老慈工可化故來東壁弄清妍

己卯開歲九日第鏐宅觀燈次東之韻

燦燦紅蓮映綠池看燈又是去年時  
銀韋雪色懸珠箔畫帶波文綰鐵絲  
閃鑠最宜初月映飄飄無藉好  
風吹因思二十年前會鳳閣傳宣趣進詞

詠魚枕燈

火樹千枝摠不如瑩然光彩透水壺  
共言魚枕春裁



玉忽訝龍涎疲吐珠雲母屏開雲影動水晶簾展水  
紋鋪香羅萬眼誇吳市瑣細空勞詠石湖萬眼燈白  
砌成工夫妙天下見  
石湖集詠吳下鄣物

朱半山輓詞

晚漢秦晉結葭莩紹也他年可不孤回首玉山人去  
遠夷亭斜日雨疎疎

幾迴折簡荷招要八月西風看弄潮今日稽山無賀  
老画船空指半山橋

次邵侍郎國賢見壽之韻



杖藜曉上清風閣北望雲山渺雲壑懷公不見誦公  
詩清廟朱絃為誰作晨星落落今數公平生出處將  
無同我生與世早多忤乞身歸卧湖山中評來遠致  
兩罌水風致年來那有此品題未擬桑苧翁煎法魯  
傳玉川子力田自好任逢年隴雲寄我山中篇漠庭  
共詫大人賦那知山澤非臞仙與公周旋亦云久不  
飲每酣公瑾酒予年魏闕本江湖公也那能忘黔首  
我心古井終不波杞人之憂憂豈過絨詩遠寄惠山  
下問公究竟其如何



三月二十三日賞牡丹東之不至有詩來次其  
韻

老去那能渡種花姚黃魏紫亦誠嘉豈知洛下平章  
宅還到吳中塾老家粉面紛披晴墮雪紅香繚繞晚  
生霞揚州芍藥何如此空色於人豈有涯

次林見素中丞見寄之韻

山林滋味老尤長肯羨裴家碎錦坊却羨雲莊千顆  
玉炎風五月擘紅香

酒熟無人可共嘗老年唯以醉為鄉那能命駕輕千



里重作歐公會老堂

閏中秋觀月仍兩度生辰喜而有作

一年最好中秋月  
豈謂今年兩見之  
玉宇洗空如有  
待冰輪出海本無期  
堯階影展新黨葉蟾窟光添古  
桂枝舉酒向天還  
酹月年年初度得如斯

木石居士為葉次鄮賦

山頭一片石  
石畔幾株樹  
下有幽居人  
結廬與同住  
木石不解語  
亦復何所知  
相看兩不厭  
終歲還自怡  
石吾甚愛之  
千古無緇磷  
木有歲寒心  
冰霜見蒼潤



一物豈吾徒對之德堪進方今構明堂傍求柱礎材  
夫君久居此乃獨胡為哉

閏八月中秋夕再至靈巖

靈巖高處尚堪梯佳鄮重来路不迷日落湖山天遠  
近雲移臺殿月東西十年杜宇還悲蜀一舸鷓鴣夷竟  
去齊往事淒涼那可問懸崖荒蘚沒前題

重改靈巖玩月詩

浮雲捲盡碧天高坐見冰輪出海濤秋色十分當此  
夜風光千古屬吾曹瑤樓不鑄身親到香徑無人首



獨搔天柱峰頭那似此莫嫌醉墨浣宮袍

憫松

翠峰洞廢古刹也自寺門至官道皆雙松夾峙大  
可數圍如葆蓋如虬龍每風動聲聞數里蓋宋元  
故物也予甚愛焉每至輒坐其下移日今年夏至  
則無復孑遺予甚愕焉召其僧尤之僧曰縣官征  
徭急身之不存松於何有蓋粥之以充徭費也吾  
聞釋氏為出世法謂世網不能加也徭且不免焉  
非獨人之加而翦伐及於茲松千年故物且不能



逃於乎苛政之害如是哉是歲正德十五年也  
洞連古寺名翠峰山門夾道皆長松蒼皮鱗皴根詰  
屈風動十里聞笙鏞團栾下蔭翠羽葆夭矯上聳蒼  
髯龍不知當年誰手植云是宋家三百年前之舊物  
每當赤日坐其下時有清風吹鬢髮因思古人不可  
見重是甘棠無翦伐茲來忽見恠且驚倒卧道途縱  
淩橫可憐堂堂十八公盡與官家充踐更神吼鬼雄  
競遮護崕摧壑陷難支撐我傷嘉樹因久立封殖有  
懷何所及顛僵力與風雷爭昏暗如聞龍象泣龍象



泣何所為縣官催租如火急伊昔秦皇法最苛猶有  
封爵來山阿如何今日值劫數大斧長鋸交撈呵溪  
山更深無處避豈若社櫟長婆娑年來征稅總類此  
誰采野老民風歌

七月三日大風

去年七月颶風作駕海驅山勢何惡沿江濱海萬人  
家一半漂流餓蛟鱷今年七月仍颶風驅山駕海勢  
略同人家有備幸多免禾偃木拔歲則凶我聞有道  
唐虞世風不鳴條雨露塊休徵五事來應時百穀用



民民用又當今公道如天開金滕既啓

卷老

天子聖風伯爾獨胡為哉

送顏檝檝同年水部澄之二子也

當年同看杏花園聚散升沉事可嗟之子此來知有意  
手家情分是通家

前人遺墨尚縱橫落落詩篇更老成此去好逢醫國  
手官家藥籠要後登

次石田松石圖

長松落落白石鑿鑿根株聯蜷皮駁犖懸厓倒挂蛟



龍僵干雲直上雷風作仲圭死石田生後先意匠同  
經營想拈秃筆快一掃勢與碣石爭崢嶸堂堂十八  
公冰霜閱雄俊巍巍石丈人不緇亦不磷兩翁抱奇  
節結交亦相近我非米南宮每見思拜之我非陶隱  
居聽此心自怡方今大廈連雲起柱礎明堂獨須此  
紛紛匠石正求材胡為弃置溪山裏胡為弃置溪山  
裏

題任月山飲飼圖

韓生畫馬不畫骨月山七馬何崢嶸世俗紛紛方舉



肥誰收冀北空羣  
連錢嘶  
黃塵羈困人飲飼勤  
莫辭一朝拂拭橫門道  
逐電追風若無知

米南宮茗溪春曉圖

春雲黯黯雨模糊  
草樹熹微半有無  
夢入茗溪天欲曉  
不知元是米家圖

杜允勝偕陸子潛兄弟携酒至園亭

尋山何用過城西  
屋後巉巖且共躋  
高柳暖風初罷絮  
曲闌趺雨不成泥  
洛中雅自推三嘏  
玉笋端寧止一齊  
獨樂有園今共樂  
不妨詩酒日相携



諸友飲怡老園分韻得春字

題詩昨日送殘春桃李陰陰入夏新  
風動漸驚紅落  
莫兩餘猶愛碧嶙峋敢期事業同  
瓊島且可壺觴引  
白申獨有江湖憂未歇北來消息苦難真























